



Jumat, 04 September 2020
Ogen: Jeremia 31:27-30



SI MAN BUAH ANGGUR MATAH
IPENNA NGILU



Satu orang makan cempedak, semua kena getahnya.”
“Karena nila setitik, rusak susu sebelanga.” Enda me piga-piga kuan-kuan si nuriken maka erkiteken pengelako/kesalahen sekalak jelma kerina jelma si deban ikut maba beratna.

I bas jaman Nabi Jeremia kuan-kuanen si ertina hampir seri ras peribahasa i datas lit i tengah-tengah bangsa Juda, eme “orangtua man buah anggur matah, ngilu ipen anak-anak.” I bas bangsa Juda peribahasa enda nuduhkan maka erkiteken kesalahen sekalak si la meteh mehuli, nembah berhala, kesusurena banci ngaloken ulih dosa e. Misalna saja, kesalahen si ilakoken sekalak bapa, anak ras kempuna pe ikut nggejapken akibatna, ntahpe erkiteken piga-piga kalak jahat i tengah-tengah bangsa Juda, bangsa e kerina arus iukum Dibata (Bdk.Esekiel 18:1-32)

Emaka nina Tuhan i bas Kitab Jeremia, seh me paksana maka kerina kalak harus mempertanggungjawabken kai si ilakokenna secara pribadi. Tep-tep kalak harus ngenanami ulih perbahanenna. Emaka nina Tuhan, ise si man buah anggur matah, ipenna jine nge ngilu. Kesalahen bapa la itanggungken man anak, kesalahen sekelompok jelma la erbanca kerina jelma sada bangsa iukum. I jem ituduhkan Dibata keleng ateNa man suku Juda. La ipediatNa kerina kena ukumen. Tuhu, biak adil e lit i bas Dibata. Si salah iukum, tapi bas ukumen e pe labo rasa lalap, sabap lit nuate gelah robah i bas lagu langkah si la payo nari. Tuhan ertima gelah bangsana Jera. Enda pe penginget man banta, maka kita kerina ertanggung jawab kerna ulih perbahanenta. Emaka kita harus bijak ras pentar makeken tiap waktu ras tiap keputusan bas geluh enda gelah ula salah, tapi banci min kerina mpermuliaken gelar Tuhan Dibata.



[The main body of the page is a large, blank white area with a wavy top edge, intended for writing.]